

على موضع الجثة حيث دفنها في سرداب بيتي وأنا ساعدته في إعادة التراب فوق الجثة .
 خرجت هيئة التحقيق لاجراء الكشف الموقفي على معالم الجريمة .. وبعد اخراج الجثة
 من مدفنها وجدوها (لشة خروف بصوفه ولحمه) ، فانهارت الزوجة وأغشى عليها ، وعانق
 زوجها ابن عمه وهو يجيش في البكاء ويردد : رحمة الله عليك ياوالدى ألف ألف مرة .

29

سألوفة (محمد البطل)

أكو ماكو^(١) ، أخوه اثنين ، بغادة أصليين من أب وجد ، الأخ الجبير (الكبير) متزوج
 وعنده كومه جهال^(٢) ، دُك دُك ، أكبرهم عمره عشر سنين ، وحالته ضعيفه ، يادوب^(٣) أمعيش
 جهاله .. الأخ الزغير (الصغير) مال والنخل حمال^(٤) .. متزوج وماعنده لاولد ولاتلد^(٥) ، مرته
 متحبل (عاقر) ، يجي يوميه العصر بعدما يعزل تكانه (دكانه) يفرغ الدخل كله ابحضن
 مرته خاطر أيفرحها .. وره ميستراح اشويه ، يخش للحمام يخسل (يغسل) ، ويلبس هدموم
 نظيفة ويكابيل (يقابل) مرته ويكعد .. لحد أيخشلهم ولاهمه ايخشون على أحد^(٦) ، جيف مرته
 عينه ضيجة^(٧) ، محد ايحب ايخالطه^(٨) . فد يوم جمعه ، الرجال ميروح للشغل وظل نايم
 للضحى العالي ، مرته وكفت (وقفت) بباب الحوش تتفرج عالجهال الديلعبون بالدرب ،
 صفتت ، صفتت .. وچان تخنكها العبرة^(٩) .

وبعد شوية خشت للبيت وكامت تبجي^(١٠) ، الرجال كعد من النوم على حس بجهيا^(١١) ..
 فسألها : ليش دتبجين^(١٢) ؟ كالتله ماكوشي جنت دا اتفرج علجهال وهمه ديلعبون ، أشو
 انقبضت روجي ، جيف ماعندي ولد يلعب ويامم .. وهم كامت تبجي .. الرجال كلش انتقهر
 (انتقهر) عليها ، وكاللهه : هاي قسمة الله^(١٣) ، منو ميכול باجر ، عكبه ، يصير عدنا
 جاهل^(١٤) ، احنه بعدنه شباب ، والرزق بيد الله . كامت تندعي من الله .. وتندرنذور .. وبعد
 مدة قصيرة .. كامت اتزوع^(١٥) ، وحلكها ماصخ^(١٦) ، وتتطرخ عالكاك اتدور برودة^(١٧) ،
 والرجال الكاك ملامتة^(١٨) .. كاموا يحسبون الايام يوم يوم^(١٩) ، الى ان سهل الله عليها ،
 وذبتة^(٢٠) ولد هالعلاة^(٢١) ، سبحانه الخلاق العظيم ، وجهه (وجهه) هالعرضه^(٢٢) ، جفه جف
 رجال^(٢٣) ، سموه (محمد) على اسم النبي ألف الصلاة والسلام عليه . الام والاب
 امجلين^(٢٤) عالولد مثل الخيمة ، الى ان كبر ، وكام يكطكط بالحوش^(٢٥) ، وهمه فرحانين

ومتوسنين ..

مشت الأيام .. وكبر (محمد) وكعدوا بالله وبه ولد الطرف^(٣٧) .. اتعلم القرابه والكتابه
اسباع ، ذكي ، يلغف الحجاية من الحلك^(٣٨) ، بالله تعارف محمد وبه ابن عمه الي
ابكصته^(٣٩) ، وحاله عن أبوه اشلون كاطع^(٤٠) ، ليعرف أخوه ، ولايعرف ولد أخوه .. اشلون
عايشين ؟ وبين كاعدين ؟ .. محمد كلش انقصر ، لان هوحنين وكلبه زحوم .. كام محمد ايروح
كل يوم الى بيت عمه وبه (صديقه ابن عمه) الي وياه بالله وياخذ وياه هالقاسمه الله .. اكل ،
ميوه^(٤١) ، هدمو عنص^(٤٢) .. وو .. وبالتالي قنغ أبوه وخلاه إيَجري معاش الى عمه وأولاده^(٤٣) .
عم محمد عنده فرس بحرية ، تتخله بالكلب^(٤٤) ، كحيله واسمها عليها ، ومن تُعشِر^(٤٥)
تروح تولد بالبحر ، اتذب ابنها وتطلع^(٤٦) .. محمد حبها للفرس وكام يركب عليها كل يوم ، ولما
عمه شاف عنده رغبة يتعلم عالفروسية والصيد بالنشاب^(٤٧) كام ايعلمه كل شي .. ولما صار عمره
١٤ - ١٥ سنة صار فارس من صدك وكاله عمي هسه استحقت .. آني أريد منك (فلو) من
هالفرس .. عمه ححاله سالفه ولادة الفرس ، محمد كله عمو آني معلية ، شوفلي صورة^(٤٨)
حال ، وديبرلي (الفلو) ابن الكحيله البحرية .. عم محمد يحب ابن أخوه أكثر من ولده ، حيف
هوحنين ، وذكي ، وشجاع من زُغره^(٤٩) ، شلون يكسر كلامه جان يكله ابشر أبو جاسم ان شالله
يكون ابن الكحيله من نصيبك ..

كام عم محمد يحسب أيام ولادة الفرس ويراقبها وهو مُحَضِر شبيجة جبيرة^(٥٠) ، اكبر من
شبيجة صياد السمج .. لما صار وكت ولادة الفرس ، لحكوه (عقبوها) للبحر ، محمد وعمه
وأخذو وياهم هم زله^(٥١) من الطرف .. وبعد ما ذبت الفرس ابنها بالبحر وطلعت تركض للبيت ،
ذب^(٥٢) عم محمد الشبيجة عالفلوهان ايجرو للجر^(٥٣) .. وياخذو ال بيت محمد .. هناك محمد
امحضر الحليب والشف الي ايلولوه عالخيل ، ومحضر كل ما وصناه عمه عليه .

الحصان كبر ايساع ، ومحمد مكابله ليل نهار^(٥٤) ، اتكول عشكه مثل عشكه (مجنون
ليه)^(٥٥) .. كبر الحصان وبه محمد ، ومحمد ماشالله صار رجال وسيفه ابطوله ، وميخطه
الصيد^(٥٦) ، وكام كل يوم جمعة يطلع للصيد انجده (لوحده) ويجيب وياه أنواع الطيور
والفرلان ويكسمها (ويقسمها) وبه بيت عمه .

أبوه (أبو محمد) فتح له تكان (دكان) بالسوك وكام يعلمه عالجارة .. وعلى غفله ،

اتوجعت (تمرضت) أم محمد .. ما طوّكت يوم وليه وانطتكم عمرها^(٧) .. وظل محمد وأبوه
أبجدهم بالبيت وبيت أخوه (بيت عم محمد) كماوا يطبخون ويدزولهم الأكل بالجدور^(٨) .. فد
يوم محمد كاله ال أبوه : هم دوب^(٩) أنت تظل صفته اتوديك وصفته اتجيبك ، وتجر حصرات
(حصرات) أبوحك بوحدك ؟ كاله أبوه : شسوي ؟ هاي قسمتي من الله ..

محمد ، يحب أبوه كلش هوايه ، كله يابه أنت ليهسه (حتى الآن) شباب ، وميت مَرّه
تتمنى تاخذك^(١٠) ، دشوفلك فدبت حلال ، ومن عين باهر مرت عمي اتروح اتكك الحجي^(١١)
وياها اشو أبو محمد اترخرخ^(١٢) ، مثل رادهه من الله ، وكام يباوع على ابته من جوه ليجوه^(١٣) ،
وكاله يابه مو آني أخاف لتروح تطلع موخوش مَرّه ومنداريك زين وتصير سبب افراكنه^(١٤) ،
محمد كاله يابه الله يخليك قابل آني جاهل .. ما أطولها عليكم - وره هم يوم عرس
أبو محمد .. وره ما خلصت أيام العرس .. نزلت مرت الأب للمطبخ .. وباعت حنية لمحمد أكثر
من اللازم^(١٥) ، وكامت اتداريهم مثل المي البصينية^(١٦) ، الى درجة محمد كام يحبها مثل محبة
أمه .. والرجال فرحان بيها ، شاطرة ، ونادرة ، نظيفة .. وره مودة ، بعدما خشت بگب الرجال
وكام يحبها كلش هوايه ، كامت تتلمب^(١٧) ، وكامت تغار من الحصان اللي عاشكه محمد ، يحبه
بكر روجه ، يصرف عليه مصاريف هوايه ، يصوغله كلايد (قلاند) ذهب ، ويشترى له كل
شئ بذاك الحساب^(١٨) ، وكالت بينه وبين نفسها لازم أخلص من الحصان .. لكن اشلون ؟
جان تتذكر بفد عجوز شيطانه كلش ، هانت جيرانهم كبل متزوج وكالت معد ايخلصني من
الحصان غيرها ..

دزت عليها .. (نسيت اقولكم أبو محمد ، وكل نسوان الطرف كماوا يسمون مرت
الأب ، أم محمد) .. لما خشت عليها العجوز جيرانهم ، سوت نفسها وجعانه .. استفريت
العجوز لما شافتها نايمه كالتله : شبيح عيني أم محمد ؟ اشو مو على بعضج^(١٩) ؟ كالتله :
الحكيلى معوده تره آني مدا انام للصيح حي ياقيوم^(٢٠) . ليش اسم الله ؟
كالتله أم محمد : من وره الحصان المدلل ، اذا راح يبقى محمد على هالحطه^(٢١) يعني
تكعد على بساط الفكر .. فاريدج اتخلصيني من الحصان البلوه ..

العجوز ، حياله مكازه ، لاعبة على ستة وستين حبل^(٢٢) ، كالتله عيني أم محمد ، ماكر
أبسط من هاي .. دگومي انطيني شوية كركم^(٢٣) .. سالتله أم محمد : الكركم شلج بيه ؟

كالتله العجوز : أصبح بيه وجه^(٣١) خاطر يصير أصفر ، وآني أروح عالطبيب أتفاهم وياه ، خاطر يوصفج كلب حصان بحري ، وأبومحمد الله يحفظه ايموت عليه^(٣٢) ، وثاني يوم يذبح الحصان ويشولج كلبه وتخلصين منه .

فرحت أم محمد كلش هواية وكالتله بس اخلص من الحصان شتردين انطيج ، وكويله للطبيب اشكد ميريد فلوس آني حاضرة .. كامت أم محمد وصبغت وجهها بالكركم وتَعَصَبَتْ^(٣٣) ونامت .. وكالتله العجوز : آني رايحه اتفاهم ويه الطبيب وانت من تسمعين حس أحد بالبيت كومي ونبي^(٣٤) وسوي روحج لشه^(٣٥) .

وره وذان الظهر ، خَش محمد وأبوه .. شافو البيت خالي .. صاح أبومحمد : وينج أم محمد ؟ أم محمد كامت أتون ، فصاح أبومحمد : وين صرتي أم محمد .. ثم توجه الى باب كبتها^(٣٦) جان يسمع حسن ونين أم محمد .. خَشَو عليها هو وابنه محمد ، شافوه صايره بادنئ حال^(٣٧) ، حهي متكر تحهي^(٣٨) ، يسالوها : اشبيج ؟ متجاوب بس أتأشر على كلبه .. الرجال اتخربط^(٣٩) التقت على ابنه محمد وكاله : اركض محمد جيلنه طبيب ، طلع محمد ال باب الحوش جان اتلاكيه (مهمودة الشيب)^(٤٠) العجوز ، كالتله : هايمه محمد .. شبيك ؟ أشموه على بعضك ؟ حاله السالفة .. كالتله : ارجع اكعد يم ابوك ، كَسر عليه^(٤١) ، وآني أروح اجيب الطبيب . خَش الطبيب ، وكشف عَلمَرَه وما خَاص ، صاح رجلها الى باب الحوش وكاله : مرتك كلش مخطوره^(٤٢) .. اذا تكرر أتحصَل على (كلب حصان بحري) تاكل منه اتلت تيلم ، يوم على يوم^(٤٣) ، تصير مثل الورد ، واذا ماكدرتو تره المره تروح من ايديكم^(٤٤) .. ودار وجه وطلع ، ركضت وراه العَجَبِزِ^(٤٥) وانطته القَدَمِية^(٤٦) .

ظل محمد ايبالوع على أبوه والاب بيلع ابريكة^(٤٧) ميكر ايجيب طاري الحصان لان يعرف محمد يحبه ايك روحه ..

ثاني يوم ركب محمد حصانه وطلع من الغبشة للصيد يفتنه^(٤٨) ، لانه انقر كلش هواية هم على مرض مرت أبوه اللي كام ايحبه بكد ما جان يحب امه ، وهم خاف من حهاية الطبيب . وصل محمد للجزيرة ، نزل من ظهر الحصان ، ورث جكاره وكام يجر نفس وره نفس .. الحصان اتكرب من محمد وكام يَشْمَشِمُ^(٤٩) بيه . محمد اتعجب ليش الحصان ديسوي هيجي ؟ التقت عليه ، شاف دموعه دتخر^(٥٠) .. كاله محمد بعصبية شنو القضية ؟

الحصان كام يحيي القصة بما أنزلت^(٨١) ، وكاله أني سمعت الحجي جلمة جلمة^(٨٢) وشلون تفاهمت مرت أبوك ويه العجوز .. وكاله انت لتخاف ، بس سوي نفسك متدري بكل شي ولتروح بعيد عن تكانك (دكانك) لان حسي ميوصل أبعد من المسافة من البيت للتكان ، واذا صار علي خطر اكوم أصهل اثلث مرات وحدة وده اللخ ، وانت تعال ابساع . محمد صار عصبي ، ركب الحصان ورجع للبيت . وين ترجع السالفة ؟ ترجع على أبو محمد ومرته .. المريه تبجي وتصيح أبو محمد على بختك سويلي چاره راح أموت .. أبو محمد ، ساكت يورث جكاره وده جكاره ويكولها الله كريم ، من ساعة ليساعة فرج ...

صار الليل .. كلمن خش ابكته ، محمد وده نص الليل لم لم غراض الصيد^(٨٣) (الخيمة ، السيف ، كوز ونشاب) وخله ابجيه جم ليرة للاحتياط وتمدد على فراشه وظل يتكلم الى أن وزن (اذن) اذان الصبح .. كام محمد ، توضى وصلى صلاة الصبح وكعد بالمطبخ يخدر الحاي خاطر يتريك ويطلع .

هسه تبجي السالفة على أبو محمد ومرته ، بعد ماراح محمد ال كبتة اتفاهم الرجال ويه مرته وكالله باجر الصبح من نطلع أني ومحمد من البيت دزي على صديقتي^(٨٤) العجوز حتى تجيب الكصاب ويذبح الحصان ، المرة طارت من الفرح^(٨٥) ، ونامت للصبح على فد نومه ، مأمته ..

كعدت الصبح ، شافت رجلها وابنه محمد طالعين من الحوش .. لبست عبايتها وراحت صاحبتها العجوز ، ورجعت نامت بفراشها . الحصان ديباوع كل حركاتهم . راحت العجوز ، وبعد شويه خشت أوراها الكصاب .. الكصاب حضر حبل قوي خاطر يشد رجل الحصان وكام يحد السهين ، الحصان كام يصهل ، اثلث مرات وحده وده^(٨٦) اللخ وعلى غفله خش محمد ، جان يتصوخلون^(٨٧) كلهم .. الكصاب وكعت السهينة من ايده^(٨٨) ، العجيز الملعونة رادت تخرب^(٨٩) ، مرت الاب غطت رأسه باللحاف وسوت نفسها نايمة ، صاح محمد بعلوحسه : وين أبويه ؟ .. الكل سنطه ، اتذب الابرة تسمع حسها^(٩٠) ، جان يصيح مرة اللخ بوج العجوز : مدا اكلج وينه أبويه ؟ كالتله بحس ناصي^(٩١) وهي ترجف (مو الخاين خايف) يابه أبوك غير بالتكان .

... كاللهه كومي صيحي خل يجي ابساع ..

الكصاب من شاف الحديدية حارة^(٣٧) ، شال غراضه ديريد يطلع .. جان يصيح بيه محمد : وين رايح ؟ ذب غراضك بالكاع .. بهل اثناء خش أبو محمد ، وَّهْه اصبعتين^(٣٨) ، والعجوز ترجف .. محمد سأل أبوه بغضبوية : يابه تسمع لي أركب حصاني قبل ماينذبح وافتر فد فره بالببيت .. الحايط جاوب والاب ماجاوب ، الكلي صاموط لاموط^(٣٩) .. محمد ركب حصانه واتكزب على أبوه وگاله يابه تره مرتك موجهعانه^(٤٠) ، مرتك حياله ، ترید تذبح حصاني ، جان يخش بحصانه الكبتيه ويشيليه الحصان بسنونه من فراشها ويذبهه بنص الحوش جدام أبوه ، وگاله يابه اترجك امسح وجه مرتك من الكركم !! وچان يندار الحصان علعجوز ويضربيه^(٤١) زوج على راسهه ويطرجهه علکاع ودمايتهه اتخرخر وگاله ال أبوه امسلم عليك يابه آني رايح أعيش بغير مكان .. جان يلکز^(٤٢) حصانه ويغير .. الحصان غار فد غيره مثل الطير وطار وماوگف إلا بنص الجزيرة ...

نزل محمد من حصانه ونصب خيمته وفرش فراشه ، ولف راسه ونام .. كعد الصبح وصاد خشف^(٤٣) ، بعد ماذبحه وعلکه على فد شجرة وطلع الطير ماله وگام يجمع حطب حتى يشوي الخشف .. وره مااستوته^(٤٤) الخشف طلع الخبز من الخرج^(٤٥) وگام ياكل .
ظل محمد على هالحطة أكثر من شهر .. وره هالدة الطويلة وهو ابن ولاية اشتاقت روحه الى شوفت الناس ، الى حجي الناس ..

قرر محمد ايروح للولاية ، لملم غراضه وشدهن على الحصان واتوكل على الله ، وره ساعة زمان وصل فد ولاية .. وگيل ميخش للولاية شاف فد راعي .. نزل محمد من حصانه وتسالم وياه وگام يساله على اسم الولاية ؟ ومنويحكمه جاوبه الراعي : يحكم الولاية سلطان كلش خوش آدمي^(٤٦) ، رحوم ، يحب كل الناس والناس كلها تحبه وتحلف براسه ، ماعنده بالببيت غير مرته واتلت بنات حتى ولد ماعنده .

طلع محمد من عبه ليرة ذهب وانطاها للراعي وگاله انطيني فد طلي .. الراعي مثل ما ماضدگ طلي بليرة ذهب ؟ هذا شلون رزق ؟ الحمد لله والشكر ربي .. التقت الراعي على محمد وگاله عمي استنكي^(٤٧) ياطلي اليعجبك وجم طلي ترید تاخذ ألف عافية ..

محمد اخذ طلي واحد ، وطلع سجينته وسمى باسم الله وذبحه وعلکه على شجرة كروية منه وگام يصلحه .. وره ماطلع الكرشة ، انطه اللحم وليرة لخ للراعي وطلب منه البشت^(٤٨)

اللابسه والعصا الهانت بيده .. الراعي سلمه البشت والعصا وساگ (وساق) غنمه وهو يندعيه بالخير والسلامة .

محمد نزل على الساجية الكريية منه (الساقية القريية منه) وخسل كرشه^(١٠٠) الطلي ، ولبسه براسه وطلع اكرع مثل الطاسة ، ونزع هدمومه وشدهن علحصان ولبس هدموم الراعي واخذ كضبة^(١٠١) شعر من معارف الحصان وكاله هسه انت روح ومن اريدك احرك (احرق) شعراية من هالشعرايات حتى تجيني مثل مامتقين آني وياك ، خله يجيبه الليرات ووصخ رجليه بالتراب وسلم علحصان وتوجه للولاية .. وصل ويه المغرب الى بيت زعيم بطارف الولاية ، وهانت فد مره عجوز كاعده بالباب .. سلم عليها ، وكالله آني رجأل غريب وما اندل هاي الولاية بلكي اتدليني فد مكان انام بي هالليلة^(١٠٢) ، وهاي العندي انظمين كروه ، وخله بيدها ليرتين ذهب .

العجوز من شافت الليرتين ذهب ، اتخبلت^(١٠٣) وكالته اتفضل عيني آني ما عندي احد ، وانت مثل ابني .. وخشت جدامه وفكت باب كبتيه وانخبيصت^(١٠٤) متدري شتسوي من الفرغ . كعد محمد ، وره شوييه ، سوتله احسن^(١٠٥) عشمه وخدرت الهاي ، وره العشه كعدت يمه وكاموا يشربون الهاي ويتسولفون^(١٠٦) ، محمد كام يسأل العجوز هوايه خاطر يعرف شكوا^(١٠٧) ماكو بالولاية ؟ كالله خاله انتي شلون عايشه ؟ منو ينطيع مصرف^(١٠٨) ؟ كالته العجوز والله يا ابني اهل الرحم هوايه .. وآني من جان حيلي كروي^(١٠٩) ، هنت اخدم ابنت السلطان ، وهسه كبرت وما ظل بيه حيل للشغل بطلت^(١١٠) منهم ، لكن البنات الله يرضي عليهن يرحمني .. محمد سألها : يا بنات خاله ؟ كالته : بنات السلطان الله يحفظهن ، هن شلون بنات وحدتهن اتلك المصيلوب^(١١١) ، وره شوييه العجوز كامت تسأل محمد .. انت يمه شنوشفك ؟ اشجابك هنا ؟ منيك (من اين لك) هالفلوس ؟ النطيتنياها ؟ كالله والله آني لكيت هالبيزات^(١١٢) وآني ماشي بالجزيرة واذا تريدن منها ، باهر اطلع الى نفس المكان ادور بلكي الكي بعد .. العجوز مشيطنة^(١١٣) ، ومتريد اتكله هذي ليرات ، كالته علواه^(١١٤) .. كالله ان شاء الله باهر من الصبح اروح للجزيرة واجيلج فد اتلك اربع بييزات ، بس انتي لوتشغليني ابنت السلطان .. سألته العجوز : انت اشتعرف تشتغل ؟ كالله : اعرف اشتغل راغي ، سايس خيل ، فلاح بالحديقة ، اسقط مواعين ، اخسل (اغسل) هدموم^(١١٥) ..

وره شويه العجوز كالتله : يمه محمد انت تعبان وباجر وراك طلعه للجزيرة دكوم نام
 خاطر وره متطلع آني اروح يم بنات السلطان واحجيلهن عليك واتزجاهن ايشغلنك بالقصر .
 محمد ثاني يوم كعد ويه وذان (اذان) الفجر ، توضى وصل ، وخذر الهاي واتريگ
 وطلع والعجوز نايمه .. وصل بزه الولاية وبعد مامجهجزة (١٣٧) الفجر ، شعل شعرايه من
 شعرايات ركبة الحصان ، وره شويه صار الحصان بصفه (بجانبه) وكام محمد يحجيه
 غلعجوز وشلون اتلكته وشلون راح تشغله ابنت السلطان .. طلعت الشمس .. محمد نزع
 الكرشة من راسه وخسل وجهه وركب الحصان وكام يصول ويجول بالجزيرة ، وصاد جم
 طير .. والظهر شواهن واتغده وكبل (وقبل) المغرب ، رجع للبيت وعل راسه الكرشه وحضر
 (اتلث ليرات) للعجوز .. خش ال بيت العجوز ، ويه صفار الشمس جان يشتم ريحة لحم
 مشوي ، انتخخ (١٣٨) ، صاحت العجوز : هله يمه ، الله يساعدك .. محمد كبل ميخش ال كبتة
 كالتله : آني اليوم كلش مقهور (مقهور) .

سألته العجوز : ليش يمه ؟ كالتله جيف طلعت فايت وكت (١٣٩) ومالكيت غير اتلث ليرات .
 العجوز كيقت (فرحت) بالليرات ، وكالتله باجر اكعدك من نص الليل . (محمد كلش
 ذكي ، راد يعرف هي راحت ال بيت السلطان لومزاحت) جاوبهه : لايمه لا .. باجر اريد اطلع
 ادور على شغل .. كالتله : عيني محمد شغلك حاضر ابنت السلطان بس باجر من الغبشة (١٤٠)
 خاطر تجيبي اشويه بيزات ومن تجي انروح آني وياك للقصر خاطر ايشوفوك البنات ، وينطوك
 شغل .

ثاني يوم طلع من الغبشة ورجع ويه وذان الظهر وانطاهها عشر ليرات .. العجوز طارت من
 الفرح وكالتله : وره الغده آخذك ال بيت السلطان .. وره صلاة العصر راحو للقصر ، خشت
 العجوز ليجوه وهو كعد بزه يم الحراس .. بعد شويه دزو عليه .. خش محمد (وسوه روحه
 أثول) ومن شاف البنات انبهر (١٤١) من جمالهن ، البنات من شافوه هيجهي أثول (١٤٢) خربو عليه
 من الضحك وعده كامت تساله على كرعته واللخ سألته انت اشتعرف تشتغل ؟ وهو كام
 إيتممت (١٤٣) .. تالي متالي شغلوراعي بالبطل خاطر العجوز ، وسلموه (٤٠ بطة) وكالوله تطلع
 تسرح بيهن يومية وتسبحهن بالحوض الهجير وترجع بيهن ويه وذان المغرب . فرح محمد بهل
 شغله وشما كالوله ايجاويهن : امرأ وطاعة . وبت السلطان الزغيرة تباع على محمد من جوه
 ليجوه (١٤٤) ، وعقلها ماشايل (١٤٥) هالوجه الصبوح وهل طول وهل الصدر العريض والذرعان

القوية يكون صاحبها أخطأ الى هالدرجة ، كلبه يكرهه : لابد اكرجوه الكاسه منكاسه^(١٣٦) ، وظلت أترأقبه من دون خواتها .. وره خمس ست أيام ، محمد اشتاق لحصانه ، ورأسه كام ايحكه من الوسخ (الوسخ) وضاج من تكل الكرشة وريحته تكتل^(١٣٧) ، كام وحرگ شعرايه من شعرايات ركبۃ الحصان وره شويه جالحصان ، نزع محمد هدومه ، وشال الكرشة من رأسه وحيّت بالحوض وكام يسبح ويه البط ، والحصان يصهل من الفرح ، ومحمد يفظ^(١٣٨) ويطلع ، ويلعب بهل مي الصافي ، وبعد ان شبع من السبح واللعب في الماء ، خرج من الحوض واثنشفت ولبس هدومه الاصلية الجان شادهه علحصان وكام يطارد بهل كاح العدله داير مداير^(١٣٩) البستان .

سمع محمد وذان الظهر ، وهو على وضوء ، استنوه طلع من^(١٤٠) الحوض ، فصل صلاة الظهر وره الصلاة ، حس بالجوع ، جان يكمش^(١٤١) فحل بط ، ذبحه ونظفه وكام يشويه علنار ، ومزمنه^(١٤٢) كله .. وره الغده هم أخذ له فد شوط منظرذ الى ان وذن العصر توفى ووصل ، ونزع هدومه الاصلية وشدهه على ظهر الحصان ولبس هدوم الراعي وخاله الكرشه على رأسه وكاله للحصان انت روح الله وياك ، وساگ البطات واتوجه للقصر نزلت بت السلطان الزغيره وحسبت البطات ولكتهن (٢٩) سألته : وين البطه اللخ ؟ كالله : خانم البطه باضت ونامت على بيضتهه .. وهي متدري الناكسة هو (ذكر بط مو نثية) وثاني يوم سوه نفس سواية البارحه ورجح ويه صفار الشمس والبطات (٢٨) بطة ولما سألته بت السلطان ليش البطات ناكسة جاوبها مثل جواب البارحة وظلت البطات تنكس يومية وحدة والجواب نفس الجواب ، بت السلطات الزغيره كلش ذكية كالت ويه نفسها هجاية هلاكيرع^(١٤٣) مو خالية ، كامت لحكته للبستان وعقبته من شجرة الى شجرة الى ان وكعت عطين الحري^(١٤٤) وشافته للاكيرع على حقيقته وهو ديسبح بالحوض ، وكالت يمكن هذا نصيبي ، لان خش ابكلي من اول شوفه شفته بيه من جاللقصر ويه العجوز .. وختل الهمايه سر ابكليهه .. لما رجع الاكيرع المغرب وسلّم البطات ما حسبتهن ، ولاكالتله ليش ناكسات .. ضحكت ابوچه وكالتله الله ايساعدك .. وراحت جابتله صينية عشه من اكل ابوها السلطان ، وكالتله اخذ هذا عشاك ، روح اتعشه انت والعجوز النازل عدا ..

محمد خش بكلب بت السلطان الزغيره وكامت تزيد محبته يوم وره يوم .. وبعد متحمل

على فراجه .. فدليلة كعدت وبه خواتها **والتلهج** : احنه دنكبريوم وره يوم ، وابونه مخلي قضية زواجنا سنطة ، احنة لازم نلكي صورة^(١١١) حال ، شنورايجن ؟ الخوات كالولهمه : الراي رايج ، انتي الذكية وييدج سكاننا^(١١٢) ، شتفصلين احنه نلبس^(١١٣) .. ثاني يوم كلفت العبد الموسوكي^(١١٤) ايجيب اتلك بطيخات ، وحدة لاحكه كلش^(١١٥) ، وحدة لاحكه عُنْصُ ، والبطيخة الثالثة توهه دَتَلْحَك^(١١٦) ..

ثاني يوم جتي البطيخات مثل ما امرت بت السلطان .. كامت عليهن وخسلتهن وختلتهن بصينية ونفرت^(١١٧) سحينة حادة بالبطيخة الثالثة (التيهه دتلحك) وغطت البطيخات بجرحف مطرز ودرتزن بيد العبد للسلطان (ابوهن) بكعدته الخصيوصية وماكويه غير بس (العارفة) ° .

السلطان كلش شاطر وذكي ، لما كَشَفَ الصينية طَخَتْ عنده الحجاية^(١١٨) ، وكال وبه نفسه خلي اتاكد واسأل العارفة اشوشيكيول ؟

السلطان سأل العارفة : شنورايك بهل الصينية ؟

العارفة .. صفن وطُولُ بصفتته : وكله ياحضرة السلطان ، هاي التلك بطيخات هن بناتك ، اللاحه كلش هيه الهبيره ، والبطيخة العُنْصُ هيه بتك الوسطانية ، والبطيخة ام السهينة هيه الزغيرة ، وهن ديطالبن بحقهن (الزواج) . ضحك السلطان وكاله للعارفة آني هم هيجي فَسْرَتَهَا ، وهسه آني وياك متفقين ، لكن شنو الحل ؟

العارفة كاله : ياحضرة السلطان ، اعلن موافقتك على زواجهن والزواج قسمة ونصيب .

ثاني يوم صاح المنادي بالولاية : كلمن يريد يخطب وحده من بنات السلطان يحضر بالساحة الهبيره وره صلاة الظهر ..

كل بنيه من بنات السلطان عدها طير ، اتوصي شتريد ، الطير ايسوي .. وره ما التمت كل الناس بالساحة وصت كل بنيه طيرها على راسمن^(١١٩) ايوكر ، البنات الهبيره وصت طيرها كالتله روح وكُر على راس ابن الوزير الايمن والبنات الوسطانية كالتله الطيرها انت روح وكُر على راس ابن الوزير الايسر .

والزغيرة كالتله الطيرها انت وكُر على راس الاكيريخ (راعي البط) .

طارت الطيور فوق الساحة ، فرتين ، اثلاثة ، والناس شايه روسها ليفوك و كل واحد
يتمنى ان يوكر على راسه فد طير ..

نزل اول طير وهان يوكر على راس ابن الوزير الايمن ، صفكت (صفقت) الناس كلها ،
والوزراء باركو للوزير الايمن ، وابن الوزير ياس (قبل) ايد السلطان .. وره شويه نزل الطير
الثاني ، وكّر على راس ابن الوزير الايسر ، اشتقلت الهلاهل والتصفيك والتهاني مثل ماسور
لما وكّر الطير الاولاني .. ظل فد طير يفتر بالسمه والناس شايّه روسه ومحد يعرف شنو
السبب ، ليش هذا الطير ما نزل ليهسه ..

التقت السلطان على الوزراء وسأل : اكو احد ما حاضر ها الاجتماع ؟ جاوبه رئيس
الحراس : مولانا السلطان (بس راعي البط) الاكيرع راح للستان يسرح بالبط .. السلطان
انطه امر : لازم يحضر (راعي البط الاكيرع) فوراً ..

وره شويه جابو الاكرع وكف بنص الساحة والناس كلها تباعو عكرعته وتضحك ..
الطير هان اموكر على فد شجرة من التعب ، لما جا الاكرع ، كَشَوُ الطير ، وكام يفتر .. وره هم
فره وهان ينفذ ويوكر عَراس الاكرع ، الناس كلها سنطة .. لحد صفك ولاحد صاح ، وكل
الناس كامت اتبوع عسلطان وهو امدنكر^(١٠٠) بالكاع ميكدرايباوع بوجوه الناس .

العارفة شاوره^(١٠١) للسلطان : كاله آني اقول انطير الطير دورتلخ بلكي يطلع الطير
غلطان !! وافق السلطان وبدلوا مكان الاكرع ، وختلوا^(١٠٢) وره جذع نبكة هبيرة ، وطيرو الطير
دوره لخ وبعد ان افتر الطير داير مداير الساحة ، نزل على راس الاكيرع .. الناس كلها صافنة
والسلطان طلع من الساحة زعلان .. وكل الناس طلعو من الساحة مقهورين على حظ بنت
السلطان الزغيرة (وهمه ميدرون هي اتحبه وتموت عليه) .

وره اسبوع اتزوجن بت السلطان الهبيرة والوسطانية بفد ليلة ، وكل وزير سوّه الاجنه
فرح وعزايم^(١٠٣) ، وانكلبت الدنيا^(١٠٤) ، الماي ياعطشان والزاد ياجوعان^(١٠٥) ، ودكت^(١٠٦) المزايق
والطبول سبعة ايام ..

ترجع السالفة علاكرع .. تزوج الخايب صنتلوي^(١٠٧) ، ومحد حضر زواجه غير بس
المعوز اللي عرفه اول ماخض للولاية .

و بمصباح الصباحية بس هيّه باركلهم إله ولرته بت السلطان الزغيرة ..

الأكرع ماتزوج ، خله سيفه بينه وبين مرته ونامو .. السلطان من سمع الأكرع دخل على بنته ، اتوجع .. وره مدة قليلة ورمت عيونه ، تالي كام مئيشوف ، عمت عيونه فد دوره .. مرت السلطان من قهره وبعيه على رجله هيه هم عمت الوزراء انخبصو^(١٠٨) ، نسيان السلطان كلمن يخش للقصر جايب وياه طبيب ، وظلّو على هالديان^(١٠٩) أكثر من أسبوع .. فد يوم العارفة كاله للسلطان : آني راح أدز على طبيب سلطان الهند .. نيكواين هذا دواة ميصير اثنين . السلطان فرح وكاله : اتوكل .. وره يومين جا الطبيب الهندي .. كشف على عيون السلطان وعيون مرته ، كالهم عيونكم كلشي مابيهن بس لازم تاكون لحم غزال خاص موجود بالهول الهندي ، لمدة أسبوع يوم على يوم ، ويرجع نظركم مثل الاول وبعد أحسن ، عاد اتودزوا جم صياد زين خاطر ايصيد الغزلان بأسرع وكت .

نسيان السلطان كل واحد نك على صدره^(١١٠) وكاله للسلطان : عمي آني اطلع للصيد وأجيب الغزلان .. السلطان ايخاف عليهم ولد دلال مامتعلمين ينامون بالحوال^(١١١) ولايتحملون تعب وسهر ، كالهم أحسن شيء تطلعون سوه ، حتى واحد يعاون اللاخ ، فمهّم رادوها من الله^(١١٢) ، وفرحوا بهذا الرأي^(١١٣) ، سولهم متاع ، وحضروهم أحسن الخيول الاصلية وظلّوا للصيد والناس فرحانه ويندعون الهم بالتوفيق ، بلكي ايفتحون السلطان ومرته . ورههم يوم سمعت بت السلطان الزغيرة بطلعة النسيان للصيد ، انقهرت هواية جيف رجلها (زوجها) ماطلع وياهم ، وهيه تعرف محد يطلع من جرخ هالشفله^(١١٤) غيره . كامت تتوسل برجلها الأكرع وتبوس (تقبل) إيدو ورجله وتبجي وتكله : لتخلي وحي بارد^(١١٥) ، أريدك انت تجيب الغزلان وتفتح عيون أمي وأبوي على ايدك .. هوّم انقهر على مرته ، وانطاما كلام^(١١٦) ، ثاني يوم حضرته فرس ومتاع وغان يغبش كبل الشمس ، وره ماطلع بره الولاية ، حرك جم شعراية ، جان يحضر الحصان البحري الاصيل ، ومن شاف محمد كام يصهل .. محمد نزع الكرشه من راسه وكام يغسل وجهه بمي ساجية كربية منه ولبس هدومه الاصلية وكاله للحصان : الوكّ نسيان السلطان ، غمض فتح^(١١٧) ، صار يمههم ..

نزل محمد من حصانه ، ونصب خيمته ، وجمع شوية حطب ، وشعل (أوقد) النار وركب الحصان وكاله : أريد أصيد (الغزال الفلاني) الذي وصفه الطبيب الهندي .. وكام يطارد بهل الهول ، ونسيان السلطان كاعدين مابيهم حيل من الجوع والعطش ، خلص متاعهم

وتعبوا من المنطرد وميعرفون يصيدون لأن هاي أول مرة يطعمون للصيد ، جان يسهل الحصان ، وراهه أمته (امتلاء) الهول بالغزلان .. محمد كام ينيشن^(١٧٤) ويضرب (بالكوز والنشاب) وهو سكماني^(١٧٥) ، ميخطي ، كل سهم بغزالة ، شدهن وراه علحصان ورجع للخيمة أتشلة^(١٧٦) وصلخ اثلت غزالات وخلص بالشوايه الخاصة بشوي الغزال .. وطلعت^(١٧٧) ريحة لجم الغزال .

نسيان السلطان (ولد الوزراء) من اشتهم ريحة الشوي ، بعد ماكامو يتحملون الجوع ، اتدانشو بيناتهم^(١٧٨) ، وكالو : خلي انروح تتعارف ويه ذاك الصياد ونضيف عنده . السلام عليكم .. اتلكاهم محمد .. وعليكم السلام أهلاً وسهلاً ، تفضلوا .. فرش لهم جدام الخيمة كعدوا وبطنهم اتقرقر^(١٧٩) من الجوع ، ورواويلهم اتخرخر^(١٨٠) من اتكربو على ريحة لحم الغزال المشوي . ويياوعون^(١٨١) على محمد ، وهمة ميعرفو ، لكن هو يعرفهم ، كاللهم تشربون كهوة لو تتغدون أول ؟ همة كاتلهم الجوع^(١٨٢) ، كالوله كيفك^(١٨٣) .. محمد كال : نتغده أول ، مد السماط ، وخله عليه الغزالات المشوية ، وارغفة الخبز التي وضعها على جمر نار الشواء فعادت وجنها هسه طالعة من التنور^(١٨٤) ، وكاللهم تفضلوا كامو ياكلون بله ميكلون بسم^(١٨٥) الله ، ومحمد اينكنك^(١٨٦) وياهم ، وييوك السانهم^(١٨٧) على طلعتهم للصيد أشو شيكلون عليه ؟ حجه رجل بت السلطان الجبيرة القضية بما أنزلت^(١٨٨) ، وجان ينزل رجل الوسطانية حدره^(١٨٩) علاكير ، وماخاله سكه^(١٩٠) ، شره علجل^(١٩١) ، وكال : مدري منين جانه فد اكرع مكرطف^(١٩٢) منعرف اصله ، فصله منين ؟ وكز عراسه طير بت السلطان الزغيرة ، وعمت عيون أمها وأبوها من البهي على حظ بتهم اللي ازوجت الاكير ، وصفلهم الطيب الهندي (اكل لحم غزال خاص بالهول الهندي) واحنه جينه لهنا وصار انه اتلثيام ومدنگر^(١٩٣) انصيد ولاغزاله .. محمد كام يضحك ، وكال ويه نفسه ، صادت^(١٩٤) . ووه ماخلصو اكل ، وشربو الكهوة ، كاللهم محمد هسه انتو اتماحتو^(١٩٥) وياي ، واكلتوا من زادي ، وآني حاضر بخدمتكم جم غزاله اتريدون أصيد الكم بس على شرط ..

سالوه شنو شرطك ؟ كاللهم : أطمع كل واحد منكم طمعة على فخده بهل محبس ، وراوهم المحبس اللابسه اباصبعه^(١٩٦) ، وخلصهم ابخدمهم^(١٩٧) ، وكاللهم اتدانشو بيناتهم ، وآني هسه أجي^(١٩٨) . ركب حصانه كام يطرد داير مدايرهم .

نسبان السلطان المدللين (ولد الوزراء) ائدانشو بيناتهم ووافقو على شرط محمد ،
وكمال النسب الجير : تاخذ الغزلان بطمغه أحسن من رجعته إيد من وره وإيد من
جدام^(١١٧) .. بعد نص ساعة رجع محمد ، وسألهم : هايابه اشكلتو^(١١٨) ؟ جاوبو : احنا
موافقين .

نزع محمد المحبس من اصبعه (المحبس هو مهر باسم محمد) حما شويه علنار ، وطمغ
فخذ نسيب السلطان الجير ، ورذ حمة المحبس دورتلخ^(١١٩) وطمغ نسيب السلطان الثاني ..
وانطه (وأعطى) لكل واحد منهم غزالة .. اتشكرو منه وسلمو عليه ورجعو فرحانين ومحمد
يعرف منو طمغهم ؟ وهمه ميدرون محمد انطاهم غزالات مو من الغزال الوصفه الطيب
الهندي .

وصلو للولاية فرحانين ، وخشوا ال قصر السلطان كاشخين^(١٢٠) ، وكل واحد منهم انطه
غزالتة ال مرته .. كبت^(١٢١) الهلاهل ، وشاع خبر عودة نسبان السلطان وجاييين ويام
الغزالات الي وصفهن الطيب الهندي .

اشتغلو الطبايخ ، وبنات السلطان كل وحدة تريد غزالتة تستوي^(١٢٢) قبل .. استوه
لحم الغزال ، أكلت مرت السلطان من لحم غزالة رجل بتهه الجبيرة مافتحت ، أكلت من لحم
غزالة رجل بتهه الوسطانية هم مافتحت .. السلطان زعل على نسبانه ولد الوزراء وكالهم انتو
جبناء رحتو اشتريتو الغزلان من السوكه ولاوصلتو للهرول ..

ثاني يوم طبخت بت السلطان الزغيرة (مرت الاكيرع) غزالتة واخذت ماعونين
وراحت للقصر ، ماعون ال امه ، ماعون ال ابوه ، اول مره ماقبلو^(١٢٣) ياكلون ، لان عيونهم
عمت من وره زواجهه بالاكيرع .. گامت تبهي وتتوسل ، الخاطر الله بس اكلوا لكمه^(١٢٤)
وحده ، الامايه انكسر^(١٢٥) كلبه على بتهه (تدرن كلب والده) أكلت اول لكمه جان تصيح
(اللهم صلي على ابوابراهيم محمد) فتحت عيوني ، الحمد لله والشكر ربي ، جان تاخذ
ماعونها وتروح تركض الى كبة رجلها السلطان وگامت انطعمه ، ويقدره الله ، السلطان هم
فتحت عيونه ، دكت المزايق ، وانذبحت الذبايح والناس تركض بالدروب هلكد ميحبون
السلطان .. كل هذا كلب السلطان بعده شايل غيظ^(١٢٦) على بنته الزغيرة هيف اتزوجت
الاكرع .

راحت أيام وجتي أيام^(٣٠٧) ، والأكرع نايم يم مرته بنت السلطان وبيناتهم السيف .
 فد يوم مرت الأكرع سمعت حس (صوت) طبول الحرب .. سألت الجوارين كألوليه :
 صار غزو على ولايته والعدوراح ياخذ نص الولاية . صعدت فوگ السطح دتشوف^(٣٠٨) شكو ؟
 جان تسمع صياح : الجهاد .. الجهاد في سبيل الله .. اطلعوا ياناس .. كلمن يشيل^(٣٠٩) سلاحه
 ويطلع ، نزلت تركض ، وعيونيه مغورگه بالدموع^(٣١٠) ، وخشت على رجلها تتوسل ، كاتله :
 گوم ، اليوم يومك (وهو ليهسه عباله مرته متعرفه هو شنو ، وميدري هيه تعرفه كلش زين
 وحبته على رجولته وفروسيته ، وصايره طول هالوكت تنظر^(٣١١) اليوم اللي يكشف بي عن
 شخصيته الاصلية ، وتتوسل بيه فدوه^(٣١٢) اصيرك ، تره الوطن غالي ، گوم دافع عن ولايتك
 وكاعك^(٣١٣) ، ترضى آني وغيري من النسوان نروح يُسْرَه^(٣١٤) ، كام بُساع واخذ فد سيف
 مزنجر^(٣١٥) ، وركب دابه من الدرب وراح .. لما وصل خارج المدينة ، حرك شعراية من شعرايات
 الحصان ، وره شويه جان يوصل الحصان الاصيل ، محمد نزع هدوم الراعي ، والكرشة
 وَحَسَل (غَسَل) وجهه ولبس هدومه الاصلية وركب حصانه وشهر سيفه ، وطلب من حصانه
 ايودييه الى ساحة الحرب لما وصل ، سمع حس فد واحد يصيح : هل من مبارز ؟ جان يغير
 عليه محمد فد غَيْرَه^(٣١٦) ، ويكُط راسه^(٣١٧) .. وظل يصول ويجول ، ويضرب يمته يُسْرَه ، ياهو
 الينزل من أبطال العدو يكابله^(٣١٨) محمد السلطان ، واكف ايباوع ، واكفين داير مدايره
 الوزراء ونسبانه الاثنين .. اشميمير^(٣١٩) محمد من يم السلطان ، ايصيح الله يحفظك ، الله
 ينطيك (يعطيك) القوة .

العدوكام ينهزم شوية شوية ، وقوته ضعفت محمد ابعده ايطورڤ بالساحة ويصيح هل
 من منازل ؟ هل من محارب ؟ آني ابوجاسم هل من مبارز ؟ جان ينزل عليه اقوى واحد بيهم
 (قائدهم) وطوات المنازلة بيناتهم اكثر من ساعة ، الى ان كدر عليه محمد وكتله^(٣٢٠) ..
 رجع محمد فرحان والدم يجري من ذراعه الايمن وهو محاسس بيه^(٣٢١) ، جان يصيح عليه
 السلطان نزل محمد من الحصان وتكرب يم السلطان ، اخذ ايده وباسه ، السلطان باسه من
 راسه ومن عيونيه ، وطلّع جفيته البريستم وشد ذراع محمد الايمن المجروح .. وره ما انكسر
 العدو وكامت الناس اتم الغنائم (الفنائم) رجع السلطان هو والوزراء ، محمد ساك حصانه
 وجان يطير من سرعة الحصان ، ويوصل للخرابة اللي بدل بيهه هدومه ، وبدل هدومه ولبس

هدوم الراعي والكرشة وتوادع وبه حصانه ورجع للبيت ، لف راسه ونام .. مرته كالتله دكعد
اصولي طحرب .. اتعشه ونام .. كالتله اشكرج تره آني تعين وماشقهى لكل بس خطيني
انام .. وره ماغفه رجلها ، طلعت للدرب تتشمشم^(٣١٨) اخبار الحرب .

جان تسمع العمائل المسويبه رجله ، وشلون خلص الولاية من الغزو ، وشلون بوسه
السلطان وشد ذراعه الايمن المجروح بجفيته البريسم وكاله : اطلب واتمنى .. والبطل محمد
وره ماانهزم العدو ، ورجع السلطان ، اتكولين قص ملح^(٣١٩) وذاب ، وهسه السلطان والوزراء
والدنيا مكوبة ، كلهم يدورون عليه ومحد ديعرف مكانه وين .. وياجر راح يصيح المنادي
بالولاية كلمن يعرف مكان محمد البطل إله حلاوة (جائزة) من السلطان .

رجعت بت السلطان الزغيره للبيت ، جان اتكشف ذراع محمد الايمن وتشوف جفيه
ابوه البريسم (تعرفه كلش زين) وجان تروح للقصر على ابوه وتكله : ابوجاسم البطل الي
دتورون عليه هو (رجلي الاكرع) اتعجب السلطان !! كام من مكانه وكالتله شتكوين ؟
كالتله مثل ما اكلت .. السلطان طار من الفرخ ، وكالله : باجر أدز عليه الصبح واكشف راسه
جدام كل الوزراء وجدام كل الناس^(٣٢٠) . مرت محمد ماتامت للصبح من الفرخ ، والسلطان هم

مانام ، ظل يتكلب للصبح ، حسبه توديه وحسبه اتجيبه^(٣٢١) ، الى ان صبح الصبح ، جان
ينظي امر بجمع بيه الوزراء وكل الناس بالساحة الهبيرة ، وجان يذو الياور^(٣٢٢) ماله على
الاكيرج .. وره شويه حضر الاكيرج بهدوم الراعي ، وصل يم السلطان وسلم عليهم ، محد رد
السلام بس السلطان وشبكه^(٣٢٣) ، وكام نيووس بيه منا ومنا .. الوزراء والعالم الواكفه بالساحة
كلهم ظلوا ياهتين^(٣٢٤) ، واحد يسال اللاخ لويش السلطان حاضن الاكيرج وهلكد دييوسه^(٣٢٥) ؟

السلطان كام يحيي بعلو حسه ويخاطب الناس وكال : اكيد كلكم اتعجبتموا من حضنت
ويوست الاكيرج .. لكن انتو متدرون هذا هو ابوجاسم البطل (وجان ينزع الكرشة من على
راسه) ، الي خلص ولايته من الغزو ، وجان يكشف ذراعه الايمن ويراوهم جفيته البريسم
الشد بيه جرح البطل ابوجاسم كبت الهلاهل والصياح والدعاء للسلطان وللبطل سكتهم
السلطان وكال : وانتو متدرون هذا البطل هو نسيبي رجل بنتي الزغيرة ، كاموا الوزراء
والعالم كله تبارك للسلطان بهل نسيب البطل الهمام الي حفظ شرف الولاية .. محمد عن^(٣٢٦)
جدام السلطان وكل الحاضرين بالساحة وره ماتشكر من السلطان على المالح وكال : ياحضرة

هاليوم
(هاليوم)
٤٢٥ ٢٥/٥/٢٠٢١

السلطان آني ليهسه مامتزوج بنتك ، وبينني وبينه السيف - والله شاهد - لان جنابك موافق على زواجي منها ..

صاحت الناس اكو احسن من هالنسيب البطل ياحضرة السلطان .. السلطان شبكه لمحمد دورتلخ وكاله : آني افتخر بمناسبتك ومديتك بنتي لبطلتك وشهامتك .. صاحت الناس هذا ميكفي ياحضرة السلطان انريده امير عليه ..

ضحك السلطان .. ووافق على طلب الناس وكال : من هل يوم نصبت البطل محمد امير الولاية ، محمد باس ايد عمه السلطان وشكره ، ورجعوا للقصر .. وقرر السلطان يقطعون المهر من جديد ، هاليوم العصر ، وانطى خبر للوزراء والمعزومين^(٣٣٣) للحضور بنفس الوقت :

محمد راح ال بيتهم ، خسل ولبس هدوم جديدة ، وذب هيدوم الراعي ، وكام بيرج^(٣٣٨) ، وجهه متفتح^(٣٣٩) ، وريحته انقطعط^(٣٣٤) ، خش للقصر يمشي برزانه^(٣٣٥) ، وكعد يم السلطان على سكملي الامارة^(٣٣٦) ، حضر القاضي وانملت الكبة الجبيرة بالمعزومين^(٣٣٧) ، بس نسيان السلطان ماحضرو ، محمد فكدهم^(٣٣٨) وسال عمه السلطان : اشو ولد الوزراء ما حاضرين ؟ السلطان كاله : زعلانين جيف انت صرت امير وهمه جانو ايردوهه ال واحد منهم ، محمد اترجه^(٣٣٩) من عمه السلطان تا جيل كطعان المهر^(٣٣٠) ، لما يحضرون ولد الوزراء وبعدها اتقررون من جديد منو يستحق اماره الولاية ؟ السلطان وافق على رجاء محمد وكاله للقاضي : استنظرهسه^(٣٣١) ، ودرز على ولد الوزراء .. ودره شويه وصلو ، وكل واحد كعد يم ابوه بله ميسلمون على (الامير محمد البطل) وكعدو كباله وظلوا مخنزرين^(٣٣٢) بوجه . محمد طلب من عمه السلطان : يروحون هو ونسيانه وابياتهم^(٣٣٣) والعارفة الى الكبة الزغيرة خاطر يجهيلهم السالفة ..

كامو مثل ماراد محمد وخشوا للكبة الزغيرة ، ومحمد قفل وراهم الباب وخله المفتاح ابجيبه وكعد كبال السلطان وكام ايسولف : كاله تتذكر عمي من وصف الكم الطبيب الهندي (لحم الغزال ، وراحوا الزلم للحوول وجابو الغزلان ، السلطان اينود براسه^(٣٣٤) ، هسه آني راح اسكت واطلب من الاخوة نسيان حضرة عمي السلطان يكملون السالفة ويحولونه شلون صادو الغزلان ؟ ولد الوزراء اصفرت وجوههم ، واحدهم خش بكمع جوزة^(٣٣٥) ، وكامو يتراجفون وتذكروا اسوّه بيهم محمد^(٣٣٦) ، الكبة صارت صنطه^(٣٣٧) ، تذب الابرة تسمع حسها^(٣٣٨) . السلطان التفت على نسيانه . وكال : منو منكم راح يحجي شلون صاد الغزلة ؟

الولد وابهاتهم امدنكرين^(٣٤٥) للكاع . ولاحس ولانفس .

السلطان صابر عسبي والتفت على محمد وكاله : انت كمل القصة يا بطل .. محمد انتعش وكام يسولك بحيل صدر^(٣٤٦) .. وره ماطلعو نسيبان حضرتكم للصيد ، طلبت مني بتكم الزغيرة (باعتبارها مرتي) اطلع مثلهم بلكي اتوفق بصيد الغزالة ، وآني كلت ويه نفسي ما أرجع إلا اصيد الغزالة الموصوفة (دوه لعيون السلطان ومرته) طلعت للجول الهندي وآني مستعد للصيد على^(٣٤٧) حباية^(٣٤٨) ، وره مانصبت خيمتي ، وصدت جم غزاة ، وشعلت النار وكمت أشوي ، جوني هالشابين ولد الوزراء ، وهمه بأخر نفس من الجوع والعطش والتعب^(٣٤٩) ، سلمو عليّ ، يادوب سمعت حسهم^(٣٥٠) ، آني عرفتهم ، بس همه ماعرفوني لان آني جنت مثل هسه على طبيعتي مامتكر بالاكرع ، ادبت واجب الضيافة العربية على أحسن مايرام ، والتفت علولد وسألهم : تمام يابه ؟ خليت قصور^(٣٥١) ؟ حتى كهوة سكيتهم^(٣٥٢) الولد نسيبان السلطان ، ماشالوراسهم من الكاع^(٣٥٣) ، وره ماكمل محمد حجايته والكل شافوا شلون السلطان ومرته فتحت عيونهم من أكلوا من لحم غزاة محمد ، والكل شافو شجاعته بيوم الغزو .. وتالي متالي كاللهم اترجاكم أريد كل وزير يكشف فخذ ابنه الأيمن ويقره اشمكتوب على الطمفة .. نسيبان السلطان كامو ديطلعون من الكبه لكز الباب^(٣٥٤) مقفولة .. محمد كاله للسلطان يله عمي دنقطع المهر السلطان كله او كف فد شويه دا أقره الطمفة .. وره ماقره (اسم محمد) عطمفة التفت علجماعة وسألهم : منو هسه يستاهل الامارة ؟ الطامغ لو المطموغ ؟ انقطع المهر وانذبحت الذبايح ، وانصبت^(٣٥٥) الافراح بكل الولاية اربعين يوماً ، وصار يوم الكشف عن هوية (راعي البط الاكريع) عيد سنوي بالولاية سموه (عيد الامير محمد البطل) ولو بيتنه كريب جان اجيب الكم طبك حمص وطبك زبيب^(٣٥٦) .